



KOMUNIKADO PA PRENSA

Fecha

13 di yüli 2016

Accountmanager

Corinne Leysner

Email

corinne.leysner@gobiernu.cw

ROZENWEG MAHAAI TA SERA DURANTE DOS LUNA PA MANTENSHON

Willemstad – Minister Suzy Camelia-Römer i Obra Públiko ta anunzia ku for di dia 19 di yüli próksimo, ta sera e kaminda entre krusada Rozenweg-Lelieweg te ku T-kruising di Rozenweg-Magdalenaweg pa trabounan di mantenshon. E kontratista Aliansa Civil & Roadworks ta bai traha riba un mihó desagwe di awa i riba mehorashon di e infrastruktura di e kaya.

E trabounan na Rozenweg ta forma parti di e proyekto di mantenshon grandi ku ta tuma lugá na Mahaai, for di mart di e aña akí. Durante diferente fase ta hasi e trabounan pa drecha infrastruktura den e bario ku den pasado ta tin hopi problema ora awaseru fuerte tabata kai.

E trabounan na Rozenweg tin un durashon di 2 luna. E fase di trabou aki ta tuma lugá aworaki, dor ku e kontratista a tene na kuenta ku skolnan den e besindario ta tin periodonan di èksamen i proefwerk. Na kuminsamente di e aña eskolar e proyekto lo ta den un fase ku e skolnan por tin ménos last di e trabounan.

Pa habitantenan i komersiantenan si tin posibilidat pa yega nan kas òf ofisina durante di e proyekto. Minister Camelia-Römer, Obra Públiko i kontratista Aliansa ta pidi kompreshon pa eventual molèster ku e trabounan por okashoná.